

12
IOANNIS
MANELPHI

ERETANI SABINI

In Almo Urbis Gymnasio Pri-
marij Medicinæ Practicæ
Professoris.

APPENDIX.

*Ad ea que in Decertatione de parte
affecta Pleuritidis dicta
sunt.*



ROMÆ,

Typis LUDOVICI GRIGNANI. MDCXLIII.

Superiorum Permissu.

THE

LIBRARY

OF THE

UNIVERSITY

OF

CHICAGO

ILLINOIS

1892

NOV 10

1892

1892

1892

1892

1892

1892

1892

1892



EMINENTISSIMO

ET REVERENDISS. D.

D. FRANCISCO

CARDINALI

BARBERINO.

IOANNES MANELPHVS. F.



ZENO Criticus dicebat τὸ σὺ, γίνεσθαι πρῶτον μικρὸν ἢ μετὰ μικρὸν εἶναι. idest, ut aliquid fiat bene, nasci quidem paulatim, sed

A 2 ta.

tamen non esse paulum: præsertim verò id præstandū esse dicere in re graui, ardua, difficultatibus inuoluta, quemadmodum sedes pleuritidis est ad cuius Decertationē quam superioribus diebus edidi, hanc Appendicem addendam esse duxi; ratus nempe quod etiā si paulatim fiat, non tamen paulum quid erit, non paulum inquam si intimè perpendatur, haud verò quoad verba; verba siquidem non computantur, ut vulgari pro-
 uerbio fertur. Et quoniam accessoriū Comes est sui principalis, tuæque Eminentiae

De-

*Decertationem prærecensitam
dicare ausus fui: Proinde Ap-
pendicem hanc ad eandem De-
certationem, tibi pariter Emi-
nentissime Princeps, tanquam
Patrono dignissimo, Do, Do-
no, Dico. Vale.*

IOANNIS ANDREÆ
MANELPHI
AUTORIS FILII.



H AEC libri Appendix ,
Princeps, tibi sistitur unū
Cui libuit lata cernere
fronte librum

Namque erit obsequiū appendix ;
augente laborem .

Patre , auget supplex filius
obsequium .

FIAT



IOANNIS
MANELPHI
ERETANI SABINI,

In Almo Urbis Gymnasio Pri-
marij Medicinæ Practicæ
Professoris.

A P P E N D I X

*Ad ea quæ in Decertatione de parte
affecteda Pleuritidis dicta
sunt.*



VANQVAM in De-
certatione de loco affe-
cto pleuritidis superiori-
bus diebus edita, satis superquæ

A 4 pro-

3 *Io: Manelphi Appendix*

probauerim, hunc primariò esse
pulmones, non autem mem-
branam costas succingentem,
ἡπεξωκῶν Græcè appellatam, ἡπε-
ξωκῶν inquam non πλευραν, cū
πλευρα dictio propriè, & per se
costā significet, non verò mē-
branam costam succingentem,
vt communis fuit semper opi-
nio, atquè intelligendi modus
apud omnes medicinæ Docto-
res: Nihilominus, in gratiam
illorum quibus maxime arrisit
hæc mea sententia, non nulla
alia in medium afferre duxi,
quæ hæc sunt.

Nempè dicebatur huius sen-
tentiae Autorem primum fuisse
Hippocratem in lib. de loc. in
homine, quò loci his ad vn-
guem

guem verbis alloquebatur: Quñ
in pulmones fluxerit ex capite,
per guttur, & aortas appellatas
appendentes partes pulmonis,
pulmo tanquam natura rarus,
& ficcus, trahit in se humorem
quantum eius capere potest, &
vbi influxerit maior fit: & vbi
quidem in totum fluxerit, ex-
tremitas eius maior redditur,
vtrumquè latus contingit, &
peripneumoniam facit, cum
verò alterum tantum pleuriti-
dem. In eodem quoquè libro
de locis in homine, discutiendo
Hipp. pleuritidem in particula-
ri, & præsertim siccam. Pleu-
ritis sicca inquit, citrà deflu-
xum fit, & cum pulmo valdè
exiccatus fuerit præ sui neces-
sa-

faria. Et lib. 1. de morbis, Al-
 ius turbata, legitur, in pleuri-
 tico, aut peripneumonico ma-
 lum; nempè quia dicerem, hi
 duo affectus eodem in loco e-
 nascuntur: si enim pleuritis in
 membrana succingente costas
 primordia fumeret, utique ma-
 la haud esset alius turbata, sal-
 tem ratione reuulsionis, atque
 ad causam antecedentem auer-
 tendam, ut in alijs accidit in-
 flammationibus. Esto, exem-
 pli gratia, quod erisipelas, siue
 phlegmo, aut aliquis alius si-
 milis abscessus, in parte externa
 thoracis exoriatur, nonnè al-
 ium subducere, atque phar-
 macum aliquod lenitium ex-
 hibere conuenit? Ità sanè. Er-

gò etiam in pleuritide phlegmone thoracis, ex communi sententia, alius turbata maxime opportuna esset. Verum quia non in thorace, siue membrana recensita, sed pulmone pleuritis generatur. Propterea Hipp. in pleuritico, & peripneumonico alius turbata malum inquit; sicuti 6. Aph. 16. Pleuritide, & peripneumonia correpto alui profluuium adueniens malum; malum inquam alui profluuium in pleuritide, & peripneumonia, propterea quod, quæ in pulmone stabulantur per sputum, & os expurgari solent; atque alui profluuium tanquam motus contrarius exiccat, nec non prohibet
idem

idem spūtum, vt Hipp. docet lib. 3. de morbis. Et 3. de morbis dicto, nec non lib. de affect. initio. Non peccabit si quis etiā pleuritidem, & phrenitidem, vt peripneumoniā curabit; quia scilicet pleuritis, & peripneumonia eodem in loco fiunt, sicuti etiam inchoatiue interdū, & phrenitis: prout enim me legisse memini in eodem lib. de affect. Hipp. in phrenitide inquit, dolor ad præcordia vexat, & 5. epid. Coco, legitur, in spina gibbositas facta est ex phrenitide. Sed de hac re quidquid sit pro nunc, 3. de morbis Hipp. ait quod pleuritide sicca laborantes, interdū cruentam saniem emingunt, vt idem,

& Gal. docet lib. 6. de loc. aff. cap. 4. Ac tamen à membrana succingente nullæ sunt viæ ad vesficam, sed à pulmone potius: Vnde Gal. 6. de loc. affect. cap. 4. refert se obseruasse vomitam pulmonis lotio expurgatam, thoracis autem per alium, atque Schenchijs lib. 2. obs. med. 99. ex Alexand. Benedicto lib. 3. cap. 9. Anat. refert Helium Bassum, qui à pleuritide euasit emissionem per vrinas cruenti puris. Beniuenius etiam lib. de Abditis cap. 43. recenset Antonium quendam, qui etiam iudicatus fuit emissio per vrinam pure; Et postremò Dodoneus in Annotat. ad cap. 45. Beniuenij de Abdit. refert Rusticum euas-

cuafisse à pleuritide purulenta
urina reddita : similes historias
recenset plures ibidem Schen-
chius, quas breuitatis causa omit-
tam . Si autem aliquis scire cu-
piat , quò modo , & per quam
viam , pus in pulmone existens
per urinas excernatur, adeat Ga-
len. 6. dicto de loc. affect. vbi
ait recipi primum pus à leui ar-
teria pulmonis , deindè per si-
nistrum cordis finum delatum
in magnam incidere arteriam,
per quam ad renes, & illinc ad
vesficam descendere, nam vt à
concaua vena, ità etiam à ma-
gna arteria rami ad renes de-
mittuntur. Quare pulmo est se-
des affecta pleuritidis, non au-
tem latus, siuè membrana la-
teris

teris succingens. Tertiò similiter de morbis, expendendo Hipp. plures species pleuritidis, in curatione pleuritidis ex dorso, postea quam multa præscripsit, ad eandem curationem spectantia, tandem sic loquitur: Atquè hoc modo hi morbi curati sanantur, si non quid sputi in pulmone relictum pus fiat; in quò casu æger curandus est deindè sicuti suppuratus. Si non quid sputi inquam in pulmone relictum pus fiat. Igitur in pulmone generatur pleuritis, cum in pulmone ex eodem sputum, siuè sputi materia relinquatur. Si verò subiungit ex eo quod in pulmonem infusum est, pus non educatur, rumpitur

tur

tur hoc ipsum ex pulmone in thoracem. Quare à pulmone ad thoracem fluit materia pleuritidis, non autem ex thorace ad pulmonem, & sic in pulmone etiam generatur, non autem thorace veluti dicebatur.

Nequè obstat quod Hipp. interdum sibi ipsi contradicat, atquè velle videatur quod pleuritis in thorace fiat, siuè eiusdem latere: Nam vt annuebamus in nostra decertatione, alia scripsit Hipp. ad docendum, alia ad ingenij exercitationem, alia verò ad memoriam, atquè amplius loquutus est alia cum esset iuuenis, alia autem cum senex esset. ideòque sibi ipsi aduersari visus fuit nonnunquã.

Sed

Sed omiſſis pro nunc autoritatibus ex Hippoc. deſumptis, præter eas rationes, quas in decertatione de parte affecta pleuritidis afferebamus, poteſt hæc conſuſio, quod pleuritis in pulmone fiat, non autem mēbrana coſtas ſuccingente, etiam alijs rationibus comprobari. Et primò vt commune eſt axioma Ariſtotelis, actus actiuorum recipitur in patiente benè diſpoſito. Proindè illa pars quæ magis eſt diſpoſita ad inflammationem, ex eadem quoquè inflammatione magis vexabitur. Sed ſic eſt quod pulmo eſt magis diſpoſitus ad inflammationem ſuſcipiendam, quam ſuccingens coſtarum membrana.

B Igi-

Igitur pulmo ex eadem inflammatione magis afficietur, nec non etiam frequentius. & per cōsequens crebriores pariter essent peripneumoniæ, rariores autem pleuritides, quod experientia tamen falsum est, nempe rarò accidit quod peripneumonia à principio sit peripneumonia, atquè pleuritidi vt plurimum superuenit, vndè Hipp. 7. Aph. 11. à pleuritide peripneumonia, non autem à peripneumonia pleuritis; atquè pleuritides frequentissimè accidunt, peripneumoniæ autem rarò. Quod autem pulmo sit magis dispositus ad inflammationem, membrana verò costas succingens minus, probatur primo

mò

mò ex Hipp. 1. de morbis, vbi ait, latus natura carne nudum esse præ omnibus corporis partibus. Ergò etiam frigidius cunctis alijs partibus, & præsertim pulmone, qui calidus est propria natura, tanquam cordi propinquus; vndè & sanguine etiam tenuiori, nec non calidiori nutritur ex communi Medicorum sententiâ. Præterea abscessus, & apostemata non aperiuntur, nisi eorundem materia concocta: experientia id patet manifestissimè, quia si feceretur apostema crudum, nihil utiquè humoris ex eodem fluat, ex parte enim inflammata nihil trahitur, cum cruda est affectio, docet Hipp. 2. acut. Qua-

rè ad hoc ut separetur materia morbifica ex apostemate, necesse est ut concoquatur prius, nec non puris naturam adipiscatur. Sic igitur, & in pleuritide, si in latere sit, antè quam materia eiusdem separetur ab abscessu, necesse est ut concoquatur, nec non pus antea euadat. Ideoque nisi suppurata etiam materia eiusdem, non potest in pulmonem detrudi, atque spuito expurgari. Ergo etiam sequeretur quod pleuritis non posset nisi per suppurationem iudicari, atque etiam pleuritidis iudicationem, semper aliqua præcederet suppuratio, quod tamen falsum est.

Sed dicet aliquis, abscessus cu-

ran-

rantur etiam per resolutionem. Igitur non erit necesse, quod pleuritis suppuratione præcedente perpetuò iudicetur. At resolutio quid est ego petam? Resolutio est transmutatio humoris in vaporum naturam, & euaporatio quædam. Pleuritides autem humorum reiectione per sputum manifestè iudicantur, non autem vaporum. Sed estò etiam quod in latere abscessus per resolutionem iudicari valeat. Si tamen iudicari debeat per euacuationē materiæ morbificæ, hæc nisi præcedente concoctione, siuè puris generatione, celebrari non potest. Atque ità vt dicebamus semper aliqua suppuratio præcederet iudica-

tionem pleuritidis, si in latere fieret, nequè materia eadem pleuritidis, nisi prius putrefacta, nec non in puris naturam transmutata, per pulmones, & sputum expurgari valeret.

Amplius si pleuritis fieret in membrana costas succingente, sequeretur, quod per pulmones expurgari non posset, nequè tussi excerni materia, quæ eiusdem pleuritidis est causa, siquidem nullus est consensus cum pulmone, & membrana dicta, nulli adsunt ductus à membrana hipezocota ad pulmones, nullæ inquam viæ, nequè arteriæ, nequè venæ. Nam ut memini me legisse apud Hipp., & neotericè Petrus Vascus Lu-

fica-

fitanus docet in suis exercitationibus ad affectus thoracis, Ab omni ferè connexu liber existit pulmo, & sola suspensus arteria, atquè dorsi vertebris alligatus conspicitur. Cum autem ductus, & riuuli nulli à membrana thoracis ad pulmones reperiuntur. Ergò sequitur necessario quod materia pleuritidis, si in latere existeret, nequaquam per pulmones excerni valeret: Humiditas namquè de carne exilit per venas docet Hippoc. lib. 1. de morbis, & venæ siuè arteriæ quæ sub nomine venarum quoquè veniunt apud Cornelium Celsum, sunt riui per quos corporis humiditates huc illucquè feruntur.

Nequè obstat quod in pulmonibus adsit raritas quædam, & assimilis spongijs mollitudo, ut *Tullij* utar verbis lib. 2. de nat. Deor. propterea quod mollitudinem spongiosam internè continet pulmo, non autem externè; cum externè ex *Aræteo* lib. 1. de signis, & causis morborum acut. cap. 10. densa nec non robusta membrana contegatur, quam materia phlegmonis in latere existentis permeare non valet, nisi tamen rumpatur. Cum etiam pulmo, dum intra se ambientem aërem inspirando dilatatur, atquè thoracis membranam tangit, potius motum expulsiuum gerat, quam attractiuium. Quamquam inquam
spon-

spongiosus natura pulmo sit, abscessum thoracis tangendo, illum, suamquè materiam contentam, pellit potius, quam intrà se trahat. Nequè verisimile est, vt nonnulli sibi persuadent, ex violenta compressione à latere facta in pulmones, quasi per vim, materiam illam assertæ pleuritidis, intrà eosdem pulmones comprimendo cogi, atquè trudi: propterea quod dum latera comprimuntur, pulmones constringuntur, atquè in sese magis reducuntur; ex quò motu difficilior potius intrà eosdem ingressus materiæ pleuritidis redditur, quam aliàs. & prætereà hæc violenta operatio celebrari non valeret, absquè ali-

aliqua pulmonis læsione, seu
ulcere eiusdem. quæso in exem-
plum accipiamus membranam
tenuem, raram, quomodocun-
què velimus, & deindè super
eandem comprimamus mate-
riam aliquam, etiam violenter,
nisi rūpatur haud valuerit ma-
teria hæc quæcunquè sit, etiam
tenuissima, eandem permea-
re, saltem in maiori copia: Quid
ergò si loquamur de materia
concocta, purulenta, crassa;
concocta crassiora euadunt ex
Arist. 4. Metheorologicorum.
Ergò minus penetrabilia sunt,
minus fluxilia, quemadmodum
materia in thorace concocta est.
Quarè non video, si pleuritis in
latere thoracis fieret, quà ratio-
ne

ne valeat per pulmones expurgari. Deindè abscessus concoquantur serò, citius; prout in parte calidiorè, vel frigidiorè fiunt. Sed sic est quod latus est pars frigidissima ex Hipp. 1. de morbis. Ergò pleuritis, si fieret in latere, non esset morbus acutus, sed longus; sicuti etiam experiètia patet in externis eiusdem lateris passionibus, quarum iudicationes seræ sunt ut plurimum.

Sed quid ampliùs? ut asseritur in decertatione de parte affecta pleuritidis, àër ille, qui inspiratur, intrà se ipsum retinet pulmo, nequè alibi fluit ex Hippocr. lib. 3. de morbis: spiritus inquit Hipp. quem respirando

do attrahimus, in pulmone locum, & sedem habet; nota hæc verba Lector, locum, ac sedem habet, hoc est alibi siue ad alias partes non fertur. Atque ille insuper aër, qui in cavitare thoracis stabulatur, in substantiam pulmonis permeare non potest, veluti ex Hipp. colligitur pluribus quidem in locis, sed præsertim lib. 5. epid. in historia Billi in dorsum percussi. Vbi etiam Vallesius in commentario docet, aërem illum, qui ex vulnere thoracis fluit, esse illummet aërem qui per idem foramen vulneris ingressus fuit, non autem, qui à pulmonibus inspiratus antea erat, dummodò tamen pulmones etiã non sint
 sau-

sauciati; siquidem in hoc casu, etiam aër per pulmones respirando attractus, ex vulnere fluere potest, & de facto fluit, vt docet Hippocr. in Coacis prænot. sect. 2. contex. 509. Accidit enim in pulmone, sicuti, & in folle, non perforatus follis attractum aërem intrà se retinet, perforatus autem non retinet. Si autē scire cupiat aliquis modum pernoscenti, an etiam pulmo sauciatus sit, atquē ille aër qui ex vulnere fluit, vtrum etiam à pulmone procedat, adeat Hipp. loco dicto in Coacis prænotationibus, vbi sic loquitur: Moritur autem etiam si in arteriam, & pulmonē valdè magnæ plagæ fiant, itaut pulmone percu-

fo

so, paucior spiritus per os procedat, quam is est, qui ex vulnere prolabitur; Non solum, verò spiritus in ore diminuitur, cum pulmo etiam cum thorace fauciatur, verum etiam, & vox minor editur. Siquidem vox est collisio aëris respirati, ex Arist. 2. de anima context. 87. Prout ergò aër in maiori, vel minori copia respiratur, etiam vox maior, vel minor editur. Sed de voce quidquid sit pronunc, satis est ex dictis Hippoc. colligere quod pulmonis membrana, ut plurimum non aperiatur in pleuriticis, nequè verisimile est quod hic affectus in latere fiat, cum expirando æger pleuriticus spiritus non minor
fit

fit quam intrà pulmones eundem trahendo.

Nequè obstat, vt nonnulli obijciunt, quod empijma, siuè suppuratio ex Hipp. pluribus in locis per sputum iudicata refertur: proptereà quod purulenta illa materia, quæ à suppuratis per sputum excernitur, est materia, quæ intrà pulmones antea reperiiebatur: vt enim legere est apud Hipp. lib. de loc. in homine lib. 1. de morbis, & alibi, suppuratio fit intrà pulmones, fit in cauitate thoracis, generatur etiam in lateris carne: vnde lib. 1. dicto de morbis, quicumquè legitur, suppurati fiunt pulmone, aut superiore, vel inferiore ventre, aut ibidem tubercula

cula habent. Intrà pulmones igitur suppuratio fit, in ventre thoracis, siuè in latere. quæ autem suppuratio intrà pulmones reperitur, per sputum excerni nec non iudicari potest. Sicuti quæ in ventre thoracis reperitur, vnica sectione inter secundam, & tertiam costam curari debet (dummodo tamen, & pulmo non rumpatur) Audiamus, quæ Hippoc. docet circa hanc rem. Cæterû inquit lib. i. de morbis, superiore ventre suppurati multipliciter fiunt, namquè pituita cum de capite copiosa, & aceruatim in superiorem ventrem fluxerit, putrescit, & in pus vertitur. putrescit autè maximè in diebus viginti vna,

vna , hoc igitur pus concutitur,
& intus fluctuat ad latera alla-
bens . Hic si vratur aut secetur
priusquam diuturnum fiat pus,
sanus plerunquè euadit . Ecce
nullam aliam curationem do-
cet Hipp. in suppuratione extra
pulmonem existente, quam se-
ctionem recensitam . Et 2. de
morbis expendendo lateris tu-
berculum, Hunc inquit ægrum
secato, aut vritò, nequè aliam
præscribit curationem . Lib. de
internis affectionibus discuti-
endo peripneumoniã idem Hipp.
post multa recensita præsidia,
tandem si pus docet, non eru-
perit in pectus, ipse seipsum cu-
ret, hoc est materiam purulen-
tam expuere conetur, dicerem.

C Si

Si verò erumpat pus in pectus; quâ parte tibi significationem de se præbere videbitur, illic maximè sectione, aut vstione facta, pus emittito. Ibidem, si in latere tuberculum nascatur, & suppuratus fiat; hoc autem cognosces quod suppuratum fiat latus, quia pus non expuit, nequè vomit. Perpende quæso Lector hæc verba, expuitur materia purulenta in suppuratione intrâ pulmonem facta, non expuitur verò in suppuratione extrâ pulmonem, & in latere exorta. Hunc cum sic habuerit, ubicunque tumor significationem de se præbuerit, secato aut vrito; nempè quia alia curatione non sanantur suppurati extrâ

trà pulmonem ego dicerem, & consequenter, illa, quæ reperiuntur in latere, per pulmonem expurgari non valent, vt idẽ accideret in pleuritide si in latere, vt inquiunt generaretur.

Et quod per pulmones, & os excerni non possint, quæ in cauitate thoracis stabulantur, amplius mihi comprobauit Nicolaus Larche Chirurgus eximius in hac Vrbe Roma, infra-scripta, nec non mihi gratissima cum epistola.

Quanta me complecteris beneuolentia, non me latet (eruditissimè mi Manelphe) Non enim is sum, qui mei ipsius sim nescius. Idcirco non me difficilem, si me in obsequio tibi

tardius correspondentem nactus fueris. Negociola siquidem, & æstivi ardoris insolentia, ad hoc usque tibi, morem gerendi tempus distulerunt. Sæpius me rogasti ut si quid hactenus experientia in tot annorum cursibus, quibus tot vulnerum genera vidi, de materiæ in thoracis cavitae purgatione (Illæsis pulmonibus) me edocuiisset, ingenuè, & fideliter ad te scriberem. Ut autem semper mei fuit moris, isque futurus, omnibus decenter obtemperare, & potissimum ijs, quibus habita ratione virtutis, & meritum, cuiusvis officij debetur obsequium. Inter quos sane tibi meritò debetur. Tum

eorum exempla , qui adhuc in viuis sunt , tum eorum , qui nuperrimè discesserunt, in medium producam . Relictis quâplurimorum simul, & grauissimorum Autorum opinionibus, quæ in contrarium afferri possent, quosque figillatim recensere hominis esset otio abutentis, præsertim vbi cum eruditio viro sermo habetur .

A viuis igitur exordiat, quorum primus erit Iacobus tunc temporis Illustrissimorum DD. de Frágipanis à Cubiculo familiaris, satis delicatæ complexionis annorum circiter 22., qui vulneratus in latus sinistrum iuxtà sextæ, & septimæ legitimarum spatium . Per septem

dies citrà penetrantis vulneris indicia optimè se habuit, atquè vt sanus per cubiculum breui se sperans domo discessurum, deambulabat; Transacta octaua, & in principio nonæ corripuit ipsum difficultas respirandi, pulsus oppressus, sudores frigidi, facies decolor, & quasi hipocratica. Ex templo vocatus Dominus Prosper Cecchinus Præceptor meus, qui eum post septimum tanquam incolumen deseruerat. Miratusprehendit ipsum hic omnia, pati penetrantis vulneris causa. Iudicauit vulnus aperiri debere, vt contentæ materiæ exitus præberetur. Doloris metu patientis renuit, nec fuit tunc vulnus

nus referari . Idquè operis eò distulit , donec grauiore vrgeretur dolore . Cum igitur inter alia symptomata difficultate respirandi grauius opprimeretur, Illustrissimi DD. de Frangipanis miseratione ducti, vtriusque sanitati consulentes , animæ videlicet, & corporis, pœnitentiarium hora quarta noctis , & me accersiri iusserunt . Aduenimus nostro functuri officio . Percurata itaque anima , tanquam nobiliori, manū corpori accinxi , & iam clausum vulnus reueraui ; Indè non mediocris materiæ sanguinolentæ erumpit copia . Postea admota turunda , tum aëris pulmones refrigerantis, tum etiam virium

casus metu, fascijs circumuolutum, & à laboribus subleuatum dimisi. Reliquo noctis, stragulæ profusione materiæ (quæ paulatim effluxit) maduerunt. Itaut manè simul collecta duodecim librarum pondus facili negotio excessisset. Tandem sanus euasit absque vlla tamen puris per sputum reiectione.

Secundus erit quidam Iuuenis arte Sartor, nomine autem Ioannes Franciscus, qui vulneratus in pectore vulnere penetranti, pectus sanguine effluxo refertum habebat, ex quò deindè pus: Quod adhuc usque tempus per vulnus remanente fistula indefinenter repurgatur. Nihil tamen puris per sputum

exer-

exereuit etiam si aliquando tuf-
ficula afficeretur. Iam bene
valet, & huius rei veluti proprij
infortunij ipsemet testis esse
potest. Iacebat in Nosocomio
Sanctæ Mariæ Consolationis le-
cto 17: qui mihi sæpius obuius
est.

Tertius esto Citharædus Ex-
cellentissimi Comitis de Mon-
terei Hispaniarum Oratoris, hodie
verò Regni Neapolitani Pro-
regis: Qui in latere sinistro vul-
nere itidem penetranti gladio
satis lato perfossus, iuxtà Tem-
plum Sancti Caroli in via Cur-
toria, cum à sacro rediret. Ipse
statim deploratus, in Nosoco-
mium Sancti Iacobi Incurabi-
lium, omnibus tunc vita fun-
cturi

Uturi symptomatibus Comitatus delatus est veluti ad tam urgentis necessitatis proximius subsidium. Cum ad confitendum tempus satis superesse videbatur. Multa sanguinis copia inde effluxit, nihil tamen per os reiecit, nequè tussiendo, nequè screando. Ipse per bimestrem illic hospitatus est, cuius vulnus bis quotidie infectionibus absterfivis abluebatur. Tantæ calamitati plures ex præstâtissimis Urbis, Artis Chirurgicæ professores opem suâ laturi conuocati sunt; Inter quos exercitatissimi DD. Prosper Cecchinus, & Ferrantes, qui dum Roma per triduum abessem vices meas gessere. Hic tandem sanus evasit; Neapolim

lim profectus est vnà cum Excellentissimo Domino .

Vita functorum primus quidam nomine N. Eminentissimi Cardinalis Gessi à Cubiculo, qui cum in latus sinistrũ gladio percussus fuisset, vulnusque ad capacitatem thoracis penetraret, quasi periculo vacans curatum est, contrà tamen opinionem cuiusdam præstatis, & exercitati Urbis Chirurghi, qui nunquam tale vulnus spreuit. Idquẽ turba admota nutriri debere obstrepebat. cuius opinionem tanquam inanem explosere. Fuit hac sola ratione, quod ipse nunquam sanguinẽ expuerat: Causam difficultatis respirationis in musculos thoracis respirationi
fa-

famulantes reiicientes, quod sanè sæpiùs euenit. Transacta, 15. aut 16. (si bene meminerim) me accersiuare, vt vnã cū reliquis huius vulnerati curam habentibus, sensum meum in medium proferrem; perpensis itaq̃e multis proximæ mortis symptomatibus, quæ sigillatim recensere prolixius, quam par sit, esset. Ægrotum succussi, materiamquè in thorace fluctuantem depræhendi. Vnde in consultò ægrum breui perituum audacter pronunciaui, viribus iam prostratis. Nam vnica salutis spes supererat, videlicet Paracenthesis, si vires constitissent. Sequenti verò, aut altera die migravit ad plures.

res. Ipsiusque cadauer aperuerunt, idquè quod prædixeram ad vnguem inuenerè, vt multi ex Aulicis, qui in consultò aderant obuiam mihi facti retulerunt. Vt ipsemet etiam Chirurgus, cuius nomem modesto inuoluam silentio, ne alios impudenter detegere videar.

Secundus sit quidam Iuuenis Sutor crepidarius, non dum vigesimum suæ ætatis annum attingens: Qui vulneratus in posteriorem, ac superiorè thoracis partem vulnere penetrati. Illa siquidem parte difficiliùs materia expurgatur, tū ob multiplices musculos, illam partem inuestientes, tum etiam ob varios fibrarum ordines sese in-

mo-

46 *Io: Manelphi Appendix*

modum chiasmi decussatim interfecantes (vt ipsa anatome docet). Hic tandem factus est empiematicus, qui multò post à vulnere interposito tempore à quodam Chirurgo, me præsente (cuius nomen accusare honestas vetat) sectus est; sed cum parum, aut nihil exercitatus esset in hac operatione, fuit inspirando, per vulnus recens thoracem aëre repleri, & statim admota manu vulneri, aërem ingressum cohibuit. Qui retentus, pulmones, vt expiraret deprimi vetuit, sic ægrum proh dolor suffocavit. Perpendens animo vndè tam repentina mors. Cuius causam me docuit Philosophia, quod duo locata

cata non possunt esse simul, & eodem tempore, in eodem loco, quod sanè verificatur in hoc præsentì casu. Si enim operator admotam vulneri manum amouisset, interitus causa (saltem ità repentini) non extitisset. Aër quandoquidem inclusus concidentibus in sese pulmonibus aufugisset. Et sic liberi pulmones aërem inspirassent, vitamquè miseri vltèrius fouendo protraxissent: Cuius errore edoctus ego, in paracenthesi exercenda opus gladio anticipiti inceptum, digito eundem comitante prosequor. Et ità aëri ingressuro denegatur aditus, donec æger deposito timore perfectam habeat respirationem.

Ni-

Nihil etiam sanguinis, aut puris relatus eger expuere visus est. Plura tibi huiusmodi potuisssem afferre vtriusquè viuorum videlicet, & mortuorum exempla (mi eruditissime Manelphe) nisi tediosus magis quam officiosus forem. Tu interim si quid aliud in me officij depræhenderis, quod tibi præstare queam eò vtère, & vale.

Ex ædibus meis 3. Kalendas Ianuarij 1641.

Tuorum humillimus

Nicolaus Larche.

Ex

Ex quibus omnibus à doctissimo Nicolao Larche recensitis, manifestè colligitur, quæ sunt in ventre thoracis, siue in latere, per pulmones expurgari nõ valere, vt dicebamus. Sed vulgaris quidam Chirurgus, senex tamen, & ingenio pollens, ad propositum huiusmodi quæstionis verba faciendo, referebat se vidisse ægrum laborantem dolore lateris, cum tussi, & difficultate respirandi, necnon etiã tumore eodem in latere, à quò euasit superueniente expurgatione per sputum alicuius materiei purulentæ. Ex quò arguebat, non posse negari quod etiam materia in latere thoracis existens, per pulmones, &

D spu-

sputum excernatur. Cui quidem argumentationi breuiter responsum exhibendo; dico illam materiam, quæ expurgata per tussim refertur in hoc casu, fuisse intrà pulmones, non extrà, atquè in latere thoracis: Et quanquam tumor etiam adesset in pectore, siuè latere thoracis, id tamen nihil ob stare sententiæ nostræ, proptereà quod tumet pectus per accidens interdum, nec non ad pulmonis tumefactionem, vt euidentissimè colligitur ex Hipp. pluribus in locis, sed præsertim lib. de internis affectionibus; cum de erisipelate pulmonis agit, atquè his ad vnguem verbis loquitur. Si pulmo ab erisipelate intumue-

muerit, tussis adest sicca, difficultas respirandi, & erecta ceruice, & dolor fortis in pectoribus, & tumor detinet pectora quarè ex proprio affectu pulmonis dolet, nec non tumet etià pectus nonnunquam. Ex his ergò, & alijs superiùs allatis, firmissima remanet conclusio nostra, nempe quod pars affecta pleuritidis pulmones sint, non verò latus, siuè lateris succingens membrana.

Neque obstant experimenta quæ in contrarium adduci solent, propterea quod vera sunt, & non vera interdum: Verum quidem est ego dicam experimentum à Gal. allatum s. de loc. affect. cap. 3. nempe de aqua

mulsa intrà thoracem iniecta,
 nec non à vulnerato degusta-
 ta; quia scilicet in hoc casu
 etiam pulmo fortassè sauciatus
 erat. Verum non est etiam
 huiusmodi experimentum;
 quandoquidem cunctis in tho-
 race vulneratis id non experi-
 tur. Sicuti etiam pulsus durus,
 pulsus ferrinus, sunt accidentia
 haud necessaria in pleuritide,
 nequè à diligentissimo Hippoc.
 sæpiùs recensita, adfunt inter-
 dum, vt plurimum verò ab-
 sunt. Et prætereà ex pulsu fer-
 rino non benè arguitur pleu-
 ritidē in membrana costas suc-
 cingente generari; siquidem
 pulsus huiusmodi, vt aiunt, est
 effectus consequens ad quam-
 libet

libet inflammationem. Vnde Gal. lib. de puls. ad Thy. cap. 11. & 4. de causis puls. cap. 7. hæc scripta reliquit : Inflammatio habet omnis pulsum veluti ferrantem, quoniam semper habet intemperiem calidam, & tensionem; quæ si levis est inflammatio, aut partes viliores occupet, vicinis dumtaxat partibus communicantur; sin verò vehemens, aut in nobilioribus locis, vniuerso corpori impartuntur. Perpende quæso Lector hic verba Galen. percipies enim pulsum hunc durum, & veluti ferrantem, non consequi solum ad inflammationem membranæ costas succingentis, sed etiam, & multò magis ad in-

flammationem pulmonis, loci
quidem in corpore membrana
ipsa succingente nobilioris, at-
què etiam cordi, & arterijs pro-
ximioris.

Nequè etià obstat argumen-
tum à dolore desumptum; nam
estò quidem, & dato, sed non
concesso; quod pulmones in-
ternè mitius doleant: at inflam-
mata eorundem membrana si-
mul cum substantia, dolet pul-
mo, & acutè dolet. Vndè 2. de
morbis Hippocrates, si pulmo
inquit ad latus prolapsus fuerit
dolores acuti pungunt. Et 3.
de morbis in pulmone præ ca-
lore tumente, dolor acutus ac-
cidit, vt alibi dicebamus. Cum
de erisipelate pulmonis, atquè
tur-

tuberculo agit idem Hipp. primò de morbis, dolor acutus fit in anterioribus, & posterioribus partibus. Et postremò lib. de internis affectionibus, si pulmo ab erisipelate intumuerit, tussis adest sicca, difficultas respirandi, & erecta ceruicè, nec non dolor fortis. Quarè dolet pulmo, & acutè etiam dolet; quinimò Hippoc. in omni ferè pulmonis affectu, etiam doloris mentionem habet, quia scilicet dolorem utiquè percipit pulmo, ut dicebamus. Nequè obstat sicuti ab aliquibus dubitatur, quod in phtificis dolor non adsint. Et tamen fit phtisis indubitanter ulcerato pulmone apud omnes Medicos;

Propterea quod in principio, & dum phtisis est in fieri, atque vlcus generatur, maximos dolores percipiunt ægri interdum: deinde verò accidit quemadmodum in alijs vlceribus, in quibus carne veluti semimortua reddita, progressu temporis, omninò doloris expertes sunt, sicuti in cauterijs id passim experitur, & quæ sine vlllo dolore pariter gestantur. Præterea posset responderi non percipi dolorem à phtificis interdum, quia vlcus causa eiusdem affectus in substantia interna pulmonis sedem habet, non autem in superficie. Verum responsio prius reddita est magis adæquata, atque difficultatem

tem penitus euellit. Sicuti etiam nequè obstat quod peripneumonia obfessi interdum aponi sint, nequè vllò ferè vexentur dolore, vt experientia comprobatur, quippè quia haud in principio peripneumoniæ id accidit, verum in fine, & cum sentientes partes pulmonis in obitum tendunt. Et præterea licet quandoquè, siuè vt plurimum, pleuritici magis doleant, quam peripneumonici, ex hoc autem inferre quod pleuritis, & peripneumonia haud in eodem loco fiant, absurdum est: propterea quod id accidit ex eo quia in pleuritide vna solum læditur pulmonis pars, in peripneumonia verò vtraquè, &

ve-

veluti docet Arist. in 2. de anima, pluribus intentus minor est ad singula sensus. Obruitor etiā ut ita dicam sensus in peripneumonia ex ingenti pulmonis inflammatione, & à nimia quantitate humorum, atque propterea minus dolet. in pleuritide autem è contra hoc ipsum non contingit, cum inflammatio minor adsit in eodem, necnon ex minori etiam humorum quantitate proficiscatur.

Et quod pulmones doleant, atque acutè sicuti alie partes, colligitur etiam ex Gal. 5. de loc. affect. cap. 3. ubi asserit pericardium, & succingens membrana eiusdem sunt naturæ, non secus ac membrana pulmonis.

Vndè Petrus Crispus Confabius meus in cōmentario lib. 1. Aph. context. 12. recenset se non rarò obseruasse membranæ pulmonis inflammationem, cum ijsdem prorsus signis pathognomonicis quæ, & membrana succingens habet, atquè pleuriticis dissectis inuenisse ampliùs pulmones maximè putrefactos, membranam verò succingentē leuiter, aut nullo modo. Postremò Ioannes Baptista Orius olim insignis Medicus in hac Vrbe Roma, in epistola ad Iulium Cæsarem Claudinum, scribit se Romæ vidisse pleuriticos dissectos, in quibus fuerunt inuenti pulmones læsi, non autem membrana succingens; quod
ip-

ipsum testatum quoque fuisse
ait à pluribus alijs Urbis Romæ
Medicis præclarissimis, ità Clau-
dinus refert in responsione de-
cima quinta . Et hæc alia de
parte affecta pleuritidis, curren-
tissimo calamo etiam dicta pro
nunc satis sint .



L A V S D E O .

ERRATA.
Pag. 27. lin. 16. Aer ille

CORRIGE.
Aerem illum





